

المحاضرة الأولى — رقم (1)

تعرف على العمل الحر... ومين هو الفريланسر؟

السيشن دي هنتكلم فيها عن قواعد ومعلومات ثابتة، مهم تتقنها وتكون معاك من بداية الرحلة.

هنتكلم عن إيه النهاردة؟

- ١ مقدمة عن العمل الحر ومين هو الفريلانسر
- ٢ مميزات وعيوب العمل الحر
- ٣ تعريف كتابة المحتوى وأنواعه
- ٤ تعريف المحتوى التسويقي
- ٥ المهارات المطلوبة من كاتب المحتوى
- ٦ فرص الشغل المتوفرة في الكتابة

قبل ما نبدأ... خليني أعرفكم بنفسي

مروة نصر

- خبرة 7 سنين في كتابة المحتوى التسويقي.
- اشتغلت على عدد كبير من المشاريع داخل مصر وخارجها.
- اشتغلت لمدة سنة ونص ك Team Leader لمشروع ريادة أعمال في الأردن، وكذلك لفريق كتابة المحتوى لشركة تسويق في السعودية.
- أسست منصة OnTrack في يناير 2023، وتخرّج منها أكثر من 8000 متدرب حتى الآن، واشتغل منهم حوالي 25% لحد دلوقتي.

تعالوا نشوف الحكاية دي

من فترة، واحد قرر يشتري مكتب، فكلم النجار وقاله إنه محتاج يشوف المكاتب عنده. اتفقوا على ميعاد وتقابلوا فيه. الواحد بدأ يتفرّج على أشكال المكاتب لحد ما لقي الشكل المثالي اللي بيدور عليه، وطلب يتعمل فيه شوية تعديلات. لما المكتب خلص، راح استلمه، دفع فلوسه ومشى.

النجار بيقدّم خدمة، والواحد عاوز الخدمة دي مقابل فلوس. دي علاقة بين بائع ومشتري بشكل مباشر، من غير وجود وسيط أو عوامل ثانية مؤثرة على عملية البيع والشراء — وهي دي صورة بدائية للعمل الحر (الفريланس).

ده مش أمر جديد ولا مستحدث، لكنه موجود من سنين طويلة، من وقت ما ظهرت الحزف المختلفة والتجارة والحدادة وغيرها؛ كلها مهن بيقوم بيها صاحبها ويقدمها بشكل مباشر بينه وبين المشتري أو العميل. بنفس الكيفية اللي كانت بتتم بيها زمان، لسه بنمارسها لحد دلوقتي وبشكل أكبر، بسبب زيادة التخصصات والطلب على المنتجات والخدمات — فهتلاقي حد يقدّم دروس خصوصية، وحد بيعمل شغل هاند ميد، وحد تالت يقدّم خدمة الترجمة أو التسويق وكتابة المحتوى للمشاريع.

فالعامل الحر (الفريланسر)

هو شخص يقدّم شيء ذو قيمة، والعملاء يشتريه منه ويتبدّله مقابلته (الفلوس)؛ ودي بالنسبة له قيمة ثانية يحصل عليها.

ومش شرط يكون حرفي زي النجار — ممكن يكون مصمم جرافيك يقدّم تصميم لوجو، أو مبرمج يبني موقع، أو زينا إحنا كُتّاب محتوى؛ المبدأ واحد في كل الحالات.

القاعدة الأولى:

مهم يكون عندك شيء ذو قيمة تقدّمه للعميل اللي محتاج للخدمة بتاعتك، عشان يحصل تبادل منفعة. وكل ما جودة شغلك زادت، كل ما المقابل بتاعتك هيزيد.

مميزات وعيوب العمل الحر

المميزات

- بتشتغل في الوقت المناسب ليك.
- بتحت لنفسك نظام الشغل المناسب ليك.
- المقابل المادي أكبر.
- بتقدر تختار العميل اللي هتشتغل معاه.
- مرونة كبيرة في التعامل.

العيوب

- مفيش استقرار.
- هتيجي على حساب صحتك وحياتك لو منظمته نفسك.
- معرّض للنصب بشكل عادي جدًا.
- ممكن تشتغل طول اليوم أحيانًا، وأيام ثانية مفيش شغل خالص.
- إنت مسؤول عن التسويق لنفسك وجلب العملاء، مش بس تنفيذ الشغل.

تعريف كتابة المحتوى

بما إنك قررت تحضر كورس في كتابة المحتوى، فأنت بنسبة كبيرة قررت تتقن مهارة الكتابة، عشان تكون هي الخدمة اللي هتقدّمها للعميل وتأخذ منه المقابل (الفلوس). ودا تخطيط جيد جدًا، بس خيلنا نتفق على إن كتابة المحتوى — زي أي مجال — محتاجة منك مجهود. الكتابة من المهارات اللي بنكتسبها أو بتكون موجودة

فيينا وبنطورها.

مهارة الكتابة مش بيتتم توظيفها كخدمة موحدة لينا كلنا، ولكن ليها طرق مختلفة: هتلاقى حد بيستخدمها عشان يؤلف رواية، وشخص تاني بينقل خبراته في كتاب خاص بيه، وشخص ثالث بيكتب مقالات زي اللي بنشوفها على جوجل، وحد رابع بيستغلها في الترويج للمنتجات زي اللي بنشوفه على فيسبوك وإنستجرام وتيك توك.

مبدئيًا، انت مش مطلوب منك تتعلم كل ده — أنت هتدرس نوع واحد بس وتتمكّن منه، ولو لقيت نفسك مش متماشي مع التخصص ده هتدرس غيره، وهكذا لحد ما تتخصص وتعرف هتكمل مهنتك في إيه. وكل شخص بيستخدم طريقة مختلفة لعرض محتواه:

محتوى صور

محتوى مرئي

محتوى مكتوب

وزي ما انت شايف، المحتوى له أشكال وأنواع مختلفة — ودا معناه إن كل نوع منهم محتاج دراسة عميقة.

مين هو كاتب المحتوى؟

هو الشخص اللي يقدر يستخدم كلماته لتحقيق هدف معيّن؛ الهدف ده ممكن يكون **شعور**، أو **معلومة**، أو **إقناع**.

- هتلاقى حد بيكتب روايات وقصص خيالية عشان يوصل مشاعر، زي قصص الرعب والحب والصداقة وغيرها.
- وحد تاني بيكتب محتوى تعليمي بيفيد بيه غيره.
- وحد ثالث بيكتب محتوى عشان يبيع، يقولك: "أنا بقدملك خدمة ممتازة، تعالى اشتريها".

إحنا هنا تخلصنا إيه؟

المحتوى التسويقي (البيعي) — بغرض بيع خدمة أو منتج، هنتعلم مع بعض إزاي نكتب محتوى يقنع العميل، ويعمل معاه علاقة قوية عشان نوصله لقرار الشراء.

تعريف المحتوى التسويقي

هو صناعة محتوى قيّم – بسيط – مناسب – مفهوم – مقنع، وتقديمه للعميل بأشكاله المختلفة (مكتوب / مرئي) من أجل تحقيق أهداف الـبيزنس.

5 شروط لازم تتوفر في المحتوى

الشرط	المقصود بيه
قيّم	بيقدّم منفعة للعميل، مش تكرر لمحتوى مش مهم.
بسيط	بأسلوب وطريقة واضحة، من غير مصطلحات صعبة الفهم — مثال: تشرح منتج تقني بجملة بسيطة بدل المصطلحات المعقدة.
مناسب	المفيد للعميل اللي هو منتظره، مش اللي أنا حابب أكتبه.
مفهوم	سهل الفهم، ومش غريب أو أعلى من مستوى المتابع.
مقنع	يخلينا نحقق الأهداف اللي كتبنا المحتوى عشانها.

هنكتب المحتوى لمين؟ للعميل اللي عايزين نبيع له المنتج أو الخدمة. وأنواع المحتوى اللي ممكن نستخدمها: **المكتوب والمرئي** — وده كله عشان نحقق أهداف الـبيزنس اللي شغالين عليه.

الأهداف التي نهدف لتحقيقها من خلال المحتوى

زيادة متابعين

تكثر جمهور البراند وتوصل للناس جديدة، مثال: مسابقة بسيطة بشرط المتابعة والمشاركة.

بيع

توصل بالعميل لقرار الشراء المباشر. مثال: إعلان يعرض عرض خاص وسعر لفترة محدودة.

تفاعل

تخلي الجمهور يعلق ويشارك ويهتم بالمحتوى. مثال: بوست يبسأل الناس رأيهم في مشكلة يحلها المنتج.

صنع علاقة بين العميل والبراند

تبني ثقة وولاء يخلي العميل يرجع يشتري ثاني. مثال: رسالة شكر أو متابعة بعد الشراء تسأل عن تجربته.

بناء وعي

تعرف الناس بالبراند والمنتج من غير بيع مباشر. مثال: فيديو يشرح فكرة المشكلة التي المنتج يحلها.

هل نتمكن من تحقيق الأهداف دي بنسبة 100% عن طريق المحتوى؟

لا، لازم يكون في عوامل مساعدة وخطة كاملة للبرانس (إعلانات - تصميمات - شير - محتوى مستمر - تعامل وخدمة عملاء قوية - منتج جودته كويسة ومطلوب).

المهارات المطلوبة لتوافرها في كاتب المحتوى

البحث

تجمع معلومات صحيحة عن المنتج والعميل قبل الكتابة.

التخطيط

تحدد هدف المحتوى وخطواته قبل ما تبدأ تكتب.

التنظيم

ترتيب أفكارك وشغلك عشان تسلم في الوقت المتفق عليه.

التقييم

تراجع الي كتبت وتقيم نتيجته عشان تحسن المرة الجاية.

الكتابة

تحول الأفكار لكلام واضح ومقنع للقارئ.

مهارات مطلوبة منك كميزات شخصية:

تنظيم الشغل

الأمانة

المصداقية

الالتزام

معظم المهارات دي سهل تكتسبها لو مش عندك — بس مهم نأكد إنها مهارات مهمة، ومينفعش تقول "هتعلمها بعدين".

سؤال مهم... هل المجال مربح؟

لو عايز الحق، فهو مربح، لكن بعد ما خبرتك تزيد ومستواك يعلى وتشتغل مع عدد كبير من العملاء أو الشركات. لو عايز بصراحة، أنت مش هتقبض بالدولار على طول بعد الكورس — المجال مليان منافسة، ومحتاج تصبر على المقابل الصغير والتدريب والتجارب الكثير، وبعدين المقابل هيزيد تدريجي. لكن تتوقع مرتب كبير من الأول، ده مش هيحصل. غالبًا أول 6 شهور بتاخذ فيها مقابل بسيط وأنت بتبني بورتفوليو وخبرة، وبعدها المقابل بيبدأ يزيد بشكل ملحوظ.

إزاي أنجح في المجال؟ يكون عندك المهارات اللي ذكرناها، وكمان تكون بتطور نفسك، بتذاكر، بتتابع التحديثات، وبتعتني بنفسك بشكل يلائم التطور اللي بيحصل كل لحظة. المهم، متوقفش عن المحاولة والبحث والدوران على فرص هنا وهناك.

المجال فيه تخصصات

كتابة المحتوى مش تخصص واحد — فيه أكثر من مسار ممكن تختار تتعمق فيه بعد ما تاخذ الأساسيات. من أهم العناوين:

Copywriting

كتابة SEO

كتابة محتوى تسويقي

كتابة صحفية ومقالات

كتابة سيناريو ومحتوى مرئي

كتابة تقنية

فرص الشغل المتوفرة في الكتابة

فريланس

شركة

هيتقدمك إيه معانا داخل الكورس، اللي يؤهلك لسوق العمل؟

- محتوى متكامل.
- خبرة حقيقية.
- تطبيق عملي.

- نصائح هتوقّر عليك كثير.
- تاسكات وتقييمات.
- متابعة وإجابة على كل سؤال.

وبما إنك هنا عشان تتعلّم بصورة صحيحة، واجبي إني أنبّهك: ركّز في كل معلومة، لأن بمرور الوقت ومع معرفتك بالمجال أكثر وأكثر، هتتعرف قد إيه التجارب السيئة مرهقة وكان ممكن نحمي نفسنا منها بمعلومة بسيطة عدّت عليك فعلاً بس ما كنتش مركّز فيها. وفي نفس الوقت، التجارب الناجحة بتكون حافز قوي بيدعمنا وبيشجعنا، لأنها صادرة من محاولات شبيهة لمحاولاتنا.

نشوفك في محاضرة جديدة؟

OnTrack